

UMS, Jheains k-sama bangunkan industri halal di Sabah

KOTA KINABALU: Sabah akan terus membangunkan pengurusan industri halal yang berintegriti melalui pemeteraian memorandum persefahaman (MoU) antara Universiti Malaysia Sabah (UMS) dan Jabatan Hal Ehwal Agama Islam Negeri Sabah (Jheains).

Pembantu Menteri di Jabatan Ketua Menteri Sabah Datuk Ariffin Arif berkata kerjasama yang dirintis sejak 2010 itu akan memberi sinergi terhadap keupayaan Jheains sebagai agensi yang diamanahkan untuk melaksanakan pengurusan pensijilan halal di negeri ini.

"Ia meliputi aktiviti penyelidikan dan pembangunan mereka cipta inovasi baharu yang canggih bagi melicinkan sistem pengurusan halal, terutamanya dalam soal mereka cipta peralatan untuk mengesan bahan tidak halal dalam sesuatu produk makanan dan bahan gunaan Muslim," katanya ketika berucap pada majlis menandatangani MoU itu di Bangunan Canselori UMS di sini kelmarin.

MoU itu ditandatangani oleh Naib Canselor UMS Datuk

Dr Mohd Harun Abdullah mewakili UMS manakala Jheains diwakili oleh Pengarahnya Abdul Halim Nayan, disaksikan oleh Ariffin dan Timbalan Pengarah Jheains Mohamad Sidik Awang Adi.

Ariffin berkata kerjasama itu dijangka memberi pengaruh besar kepada pembangunan hab halal di Sabah merangkumi pelancongan, makanan dan premis industri halal.

Katanya MoU itu juga akan membantu UMS melahirkan tenaga penyelidik dan pakar dalam kemahiran terkini berkaitan pengurusan industri halal.

Sementara itu, Dr Mohd Harun berkata kerjasama yang dijalin meliputi penyelidikan dalam penyelenggaraan, penghasilan, pengeluaran berkaitan makanan halal; latihan dalam memperkasa kepakaran dan kompetensi sumber manusia; pembangunan polisi dan pelaksanaan kursus berkaitan serta penguatkuasaan sistem pensijilan halal di Sabah.

"Banyak lagi bidang yang perlu dikaji, ramai lagi pengusaha Industri Kecil dan Sederhana (IKS) dan pihak industri yang perlu dilatih supaya layak mengeksport produk halal

mereka ke luar negara.

NST 30.10.14 2

"Di sinilah, kerjasama UMS dan Jheains perlu digembleng dalam membimbing pengusaha IKS, melatih pegawai pelaksana, promosi dan mematuhi pensijilan halal," katanya. -Bernama